

**ხელშეკრულების მნიშვნელოვანი პირობები**  
**(პროდუქტის დასახელება) ხელშეკრულება - (მიეთითება ხელშეკრულების**  
**თარიღი, ნომერი, კლიენტის დასახელება)**

**დეპოზიტის საპროცენტო განაკვეთი**

- დეპოზიტის საპროცენტო განაკვეთის ტიპი - ცვლადი
- დეპოზიტის წლიური საპროცენტო განაკვეთი - %
- დეპოზიტის ეფექტური საპროცენტო განაკვეთი - %
- [დეპოზიტის ლარში განთავსების შემთხვევაში წლიური საპროცენტო განაკვეთი - %]

**ფინანსური ხარჯები**

**სხვა სახელშეკრულებო ინფორმაცია**

- დეპოზიტის ერთჯერადი შენატანი - ლარი [აშშ დოლარი] [ევრო]
- დეპოზიტის ვადა -
- მომხმარებელს აქვს ხელშეკრულების ვადაზე ადრე შეწყვეტის უფლება, ბანკისათვის ამგვარი შეტყობინების მიწოდებიდან სამი საბანკო დღის განმავლობაში.

ვადაზე ადრე გამოტანილ თანხაზე დარიცხული წლიური პროცენტი:

- 1 თვემდე ვადაში - 0%
- 1 თვეზე მეტი ვადისას - „მოთხოვნამდე“ ანაზღაურებისათვის იმ პერიოდისათვის ბანკის მიერ დადგენილი საპროცენტო განაკვეთი.

(დღეისათვის „მოთხოვნამდე“ ანაზღაურების არსებული საპროცენტო განაკვეთი: 6.75%-ი ლარში, 1.25%-ი აშშ დოლარში, 0.25% ევროში)

*თქვენი დეპოზიტი დაზღვეულია „დეპოზიტების დაზღვევის სისტემის შესახებ“ საქართველოს კანონის საფუძველზე შექმნილ დეპოზიტების დაზღვევის სისტემის ფარგლებში*

ხელშეკრულების მნიშვნელოვანი პირობების ცვლილების შემთხვევაში, მომხმარებლის ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში – არანაკლებ ერთი თვით ადრე წერილობით/ელექტრონული ფოსტით/ინტერნეტბანკით/მოკლე ტექსტური შეტყობინებით.

*[უცხოური ვალუტით განთავსებული დეპოზიტი მომხმარებელს მნიშვნელოვანი რისკის წინაშე აყენებს!*

*ვალუტის კურსის ცვლილებამ შესაძლოა ლარით გამოხატული სარგებელი მნიშვნელოვნად შეამციროს]*

*[ლარის შესაძლო 15%-იანი წლიური გამყარების შემთხვევაში დეპოზიტის ეფექტური საპროცენტო განაკვეთი - ]*

*მომხმარებელს უფლება აქვს წარადგინოს პრეტენზია ბანკის პრეტენზიების სამსახურში ზეპირი, თავისუფალი წერილობითი, სტანდარდარტული წერილობითი ან ელექტრონული ფორმით.*

*გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებგვერდსა – [www.nbg.gov.ge/cp](http://www.nbg.gov.ge/cp) და ცხელ ხაზზე – 032 2 406 406.*

ხელმოწერები:

ბანკი

-----

კლიენტი

-----

**სტანდარტული ვადიანი საბანკო დეპოზიტის ხელშეკრულება იურიდიული პირებისა და საქართველოს კანონმდებლობით განსაზღვრული ორგანიზაციული წარმონაქმნებისათვის № ხელშეკრულების №**

საქართველო, ქალაქი

თარიღი

ერთის მხრივ სს „ხალიკ ბანკი საქართველო“ (ს/კ 205236537, იურიდიული მისამართი: თბილისი, მ. კოსტავას ქ. N74; საქართველოს ეროვნულ ბანკში ლიცენზირების ფორმა - კომერციული ბანკი; საზედამხედველო ორგანო - საქართველოს ეროვნული ბანკი; მისამართი: სანაპიროს ქ. N2, თბილისი, საქართველო; შემდგომში - ბანკი), წარმოდგენილი ფილიალის დასახელება თანამდებობა სახელი, გვარი სახით და მოქმედი უფლებამოსილება საფუძველზე, და იურიდიულ პირი/საქართველოს კანონმდებლობით განსაზღვრულ ორგანიზაციულ წარმონაქმნი - მენაბრე - (შემდგომში - დეპოზიტორი ან კლიენტი), წარმოდგენილი წარმომადგენელი სახით

ორივე ერთად წოდებული, როგორც „მხარეები“, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

**ხელშეკრულების საგანი**

- წინამდებარე ხელშეკრულების საფუძველზე, ბანკი კლიენტის დეპოზიტის განთავსებისა და შენახვისათვის ხსნის სადეპოზიტო ანგარიშს, უხდის მას სარგებელს დეპოზიტისთვის და უბრუნებს დეპოზიტს იმავე ვალუტაში, ხელშეკრულებისა და დეპოზიტის პირობების შესაბამისად..
- წინამდებარე ხელშეკრულების თავსართი წარმოადგენს მის განუყოფელ ნაწილს
- დეპოზიტის პირობები:**

3.1	კლიენტი/დეპოზიტორი	(კლიენტის დასახელება და ს/ნ)
3.2	დეპოზიტის ტიპი	ანაზრის სახეობა
3.3	დეპოზიტის თანხა და ვალუტა	თანხა (თანხა სიტყვიერად) ვალუტა
3.4	დეპოზიტის ვადა და დასრულების თარიღი	რ-ბა (სიტყვიერად) თვე, თარიღი
3.5	დეპოზიტის წლიური საპროცენტო განაკვეთი	განაკვეთი %(განაკვეთი სიტყვიერად)
3.6	დეპოზიტის ეფექტური საპროცენტო განაკვეთი	ეფექტური %
3.7	საპროცენტო განაკვეთის ტიპი	ცვლადი
3.8	ლარის შესაძლო 15%-იანი გამყარების შემთხვევაში დეპოზიტის ეფექტური საპროცენტო განაკვეთი	15% გამყარება %
3.9	საპროცენტო სარგებლის გადახდა	პერიოდულობა
3.10	დეპოზიტის თანხა ჩამოიწეროს ანგარიშიდან	მიმდ.ანგ.№
3.11	დეპოზიტის თანხა ჩაირიცხოს სადეპოზიტო ანგარიშზე	დეპ.ანგ.№
3.12	საპროცენტო სარგებლის და დეპოზიტის თანხა ჩაირიცხოს ანგარიშზე	მიმდ.ანგ.№
3.13	დეპოზიტზე თანხის დამატება/ნაწილობრივი გატანა	არ არის შესაძლებელი
3.14	დეპოზიტის პროლონგაცია (ვადის ავტომატური გაგრძელება)	დეპოზიტის ავტომატური პროლონგირება არ ხორციელდება. დეპოზიტის ვადის დასრულების შემდეგ დეპოზიტის თანხა ავტომატურად ჩაირიცხება ხელშეკრულების 3.12 პუნქტში მითითებულ კლიენტის მიმდინარე ანგარიშზე.
3.15	კლიენტის ინიციატივით დეპოზიტის თანხის ვადამდე მოთხოვნის შემთხვევაში (ხელშეკრულების 3.4 პუნქტით დადგენილი ვადის დარღვევა) დარიცხული წლიური საპროცენტო განაკვეთი	კლიენტის ინიციატივით ხელშეკრულების ვადამდე შეწყვეტის შემთხვევაში, დეპოზიტის მოქმედების ფაქტური ვადის გათვალისწინებით: <ul style="list-style-type: none"> <li>➢ 1 თვემდე ვადაში – დეპოზიტს სარგებელი არ დაერიცხება;</li> <li>➢ 1 თვეზე მეტი ვადისას – ადრე დარიცხული სარგებელი სრულად გადაიანგარიშება დეპოზიტის ფაქტური ვადის</li> </ul>

		<p>გათვალისწინებით და დეპოზიტს დაერიცხება დარღვევის მომენტში ბანკში „მოთხოვნამდე“ დეპოზიტისთვის მოქმედი საპროცენტო განაკვეთი</p>
--	--	--

„დეპოზიტების დაზღვევის სისტემის შესახებ“ საქართველოს კანონის შესაბამისად, 2022 წლის პირველი იანვრიდან, ყველა დეპოზიტორის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკში დაზღვეულია და დეპოზიტების დაზღვევის სააგენტოს მიერ ანაზღაურდება 15,000 ლარის ფარგლებში. კომერციულ ბანკში ყველა დეპოზიტორის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: [www.diagency.ge](http://www.diagency.ge).

**მხარეთა უფლება-მოვალეობანი**

**ბანკი ვალდებულია:**

4. უზრუნველყოს დეპოზიტის ხელშეუხებლობა ხელშეკრულებით დადგენილი ვადით.
5. უზრუნველყოს დეპოზიტზე დარიცხული საპროცენტო სარგებლის გადახდა ხელშეკრულების 3.9 პუნქტით გათვალისწინებული პირობის შესაბამისად, ხელშეკრულების 3.12 პუნქტში მითითებულ ანგარიშზე თანხის ჩარიცხვის გზით.
6. დეპოზიტის ვადის დასრულების დღეს დაუბრუნოს დეპოზიტის თანხა ხელშეკრულების 3.12 პუნქტში მითითებულ ანგარიშზე თანხის ჩარიცხვის გზით.
7. კლიენტის ინიციატივით დეპოზიტის ვადამდე მოთხოვნის შემთხვევაში, მოთხოვნის მიღებიდან სამი საბანკო დღის განმავლობაში, დაუბრუნოს მას დეპოზიტის თანხა კუთვნილი საპროცენტო სარგებლით (გადაანგარიშებული ხელშეკრულების 3.15 პუნქტით გათვალისწინებული პირობების შესაბამისად) ხელშეკრულების 3.12 პუნქტში მითითებულ ანგარიშზე თანხის ჩარიცხვის გზით.
8. უზრუნველყოს კლიენტის ინფორმირება საპროცენტო განაკვეთის და/ან ხელშეკრულების სხვა მნიშვნელოვანი პირობების ცვლილების შესახებ მის განხორციელებამდე 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში – არანაკლებ 1 (ერთი) თვით ადრე შესაბამისი წინასწარი შეტყობინების გაგზავნის გზით (წერილობით ან ელ. ფოსტით ან ინტერნეტ ბანკით ან მოკლე ტექსტური შეტყობინებით). წინასწარი შეტყობინების ვალდებულება არ არსებობს, თუ ცვლილება ხორციელდება კლიენტის სასარგებლოდ. ასევე, კლიენტს 1 თვით ადრე მიეწოდება ინფორმაცია ხელშეკრულების ვადის გასვლის შესახებ.
9. დაიცვას ხელშეკრულების პირობები.
10. დაიცვას საქართველოს საგადასახადო კოდექსით გათვალისწინებული მოთხოვნები დარიცხული საპროცენტო სარგებლის გადახდისას.
11. დაიცვას კლიენტთან დაკავშირებული საბანკო ოპერაციებისა და ანგარიშების შესახებ ინფორმაციის საიდუმლოება რომელიც ცნობილი გახდა მისთვის კლიენტთან საქმიანი ურთიერთობისას, გარდა კანონმდებლობით გათვალისწინებული შემთხვევებისა, ან თუ საქმე ეხება იმ ჩვეულებრივ საბანკო ინფორმაციას (საერთაშორისო საბანკო პრაქტიკის შესაბამისად), რომლითაც არ ილახება კლიენტის ინტერესები.

**ბანკი უფლებამოსილია:**

12. ხელშეკრულების ვადის მოქმედების განმავლობაში დეპოზიტის თანხა საკუთრების უფლებით მიიღოს საქართველოს კანონმდებლობის შესაბამისად.
13. საკუთარი გადაწყვეტილებით ცალმხრივად შეწყვიტოს „სტანდარტული“ საბანკო დეპოზიტის მიღება. ამასთანავე, ბანკის მიერ გადაწყვეტილების მიღების მომენტისათვის მოქმედი ხელშეკრულების მიხედვით საპროცენტო სარგებლის დარიცხვა განხორციელდება მათი ვადის გასვლის მომენტამდე. დეპოზიტის ვადის გასვლის შემდგომ, დეპოზიტის ნაშთი და საპროცენტო სარგებელი ჩაირიცხება ხელშეკრულების 3.12 პუნქტში მითითებულ ანგარიშზე.
14. ცალმხრივად ამოიღოს დეპოზიტის და/ან საპროცენტო სარგებლის თანხა მთლიანად ან ნაწილობრივ, თუ დეპოზიტი არის სესხის უზრუნველყოფის საგანი და/ან კლიენტის მხრიდან ბანკის მიმართ არსებობს ნებისმიერი შეუსრულებელი ვალდებულებები. ასეთ შემთხვევაში ხელშეკრულების პირობები ითვლება კლიენტის მხრიდან დარღვეულად და მასზე გავრცელდება ხელშეკრულების 3.15 პუნქტით გათვალისწინებული პირობები.
15. ცალმხრივად შეცვალოს დეპოზიტზე დასარიცხი საპროცენტო განაკვეთის ოდენობა და/ან ხელშეკრულების სხვა პირობები ხელშეკრულების მე-8 პუნქტით გათვალისწინებული მოთხოვნის დაცვით, თუ სხვა რამ არ იქნება დადგენილი ბანკის მიერ.

### კლიენტი უფლებამოსილია:

16. მიიღოს სრული ინფორმაცია სადეპოზიტო ანგარიშის მდგომარეობის შესახებ.
17. მიიღოს დეპოზიტის და საპროცენტო სარგებლის თანხა ხელშეკრულების პირობების შესაბამისად.
18. მიანდოს სხვა პირს დეპოზიტისა და საპროცენტო სარგებლის განკარგვის უფლება საქართველოს კანონმდებლობის შესაბამისად გაფორმებული, სანოტარო წესით დამოწმებული მინდობილობის საფუძველზე. ბანკი არ აგებს პასუხს კლიენტისათვის მიყენებულ ზიანზე იმ შემთხვევაში, თუ კლიენტი არ აცნობებს ბანკს მინდობილობის მის მიერ ცალმხრივად შეწყვეტის შესახებ.
19. წინამდებარე ხელშეკრულების პირობების შესაბამისად ვადაზე ადრე შეწყვიტოს ხელშეკრულება და მოითხოვოს დეპოზიტის ვადაზე ადრე დაბრუნება ბანკისათვის ამგვარი შეტყობინების მიწოდებიდან სამი საბანკო დღის განმავლობაში.

### კლიენტი ვალდებულია:

20. ხელშეკრულების ხელმოწერის მომენტისათვის უზრუნველყოს ხელშეკრულების 3.10 პუნქტში მითითებულ ანგარიშზე თანხის შეტანა/ჩარიცხვა ხელშეკრულების 3.3 პუნქტში მითითებული ოდენობით. ბანკის მიერ კლიენტის დამატებითი დავალების გარეშე ხდება ხელშეკრულების 3.11. პუნქტით განსაზღვრულ სადეპოზიტო ანგარიშზე დეპოზიტის თანხის გადატანა. საპროცენტო სარგებლის დარიცხვას ბანკი განახორციელებს დეპოზიტის თანხის ხელშეკრულების 3.11. პუნქტით განსაზღვრულ სადეპოზიტო ანგარიშზე სრული ოდენობით ჩარიცხვის შემდეგ.
21. დაიცვას ხელშეკრულების პირობები. შეინახოს ხელშეკრულება და ბანკის მიერ გადაცემული ამ ხელშეკრულებასთან დაკავშირებული სხვა სამართლებრივი ხასიათის მქონე ყველა დოკუმენტი.

### სხვა პირობები

22. დეპოზიტის გახსნისთვის თანხის მინიმალური ოდენობა შეადგენს 1000 ლარს, 500 აშშ დოლარს ან 500 ევროს (დეპოზიტის ვალუტის შესაბამისად).
23. დეპოზიტზე საპროცენტო სარგებლის გაანგარიშება წარმოებს სადეპოზიტო ანგარიშზე თანხის ჩარიცხვის მომდევნო დღიდან, დეპოზიტის ვადის დასრულების დღის ჩათვლით. დეპოზიტის თანხის მიღებისა და დაბრუნების დღე ითვლება ერთ დღედ. საპროცენტო სარგებლის გაანგარიშებისას მხედველობაში მიიღება კალენდარული დღეების ზუსტი რაოდენობა, ამასთან, წელიწადი იანგარიშება 365 დღით.
24. თუ დეპოზიტის მოქმედების ვადის დასრულების თარიღი ემთხვევა ბანკის არასამუშაო დღეს, მაშინ დეპოზიტის თანხის და საპროცენტო სარგებლის გადახდა წარმოებს მომდევნო სამუშაო დღეს.
25. თუ დეპოზიტის თანხა აღმოჩნდება ამ ხელშეკრულების 3.3 პუნქტით დადგენილ თანხაზე ნაკლები და/ან არ იქნება ჩარიცხული სადეპოზიტო ანგარიშზე ამ ხელშეკრულების 20-ე პუნქტით დადგენილი წესით ხელშეკრულების მოქმედება ავტომატურად შეწყდება და ანგარიში დაიხურება.
26. ხელშეკრულება ძალაში შედის მხარეთა მიერ მისი ხელმოწერის მომენტიდან და ჩაითვლება დასრულებულად მხარეების მიერ მასში მოცემული ყველა პირობის შესრულებისას, სრული ურთიერთანგარიშსწორების შემდეგ. საკითხები, რომლებიც არ არის ხელშეკრულებით მოწესრიგებული, მაგრამ ეხება ხელშეკრულების საგანს, რეგულირდება საქართველოს მოქმედი კანონმდებლობით.
27. კლიენტის მიერ ანგარიშის დახურვა აკრძალულია მისი მხრიდან ბანკის მიმართ შეუსრულებელი ვალდებულებების არსებობის შემთხვევაში. სხვა შემთხვევაში სადეპოზიტო ანგარიშის დახურვისას ხელშეკრულების მოქმედება შეწყდება.
28. ანგარიშის გახსნა და წარმოება, კლიენტის სხვა სახის მომსახურება ბანკის მიერ ხორციელდება კანონმდებლობის სრული დაცვით, ბანკის შიდა დოკუმენტების, მასთან გაფორმებული გენერალური ხელშეკრულებისა (და/ან სხვა სახის მომსახურების ხელშეკრულების) და ბანკის მიერ დადგენილი ტარიფების შესაბამისად.

### ფორს-მაჟორული გარემოებები

29. დაუძლეველი (ფორს-მაჟორული) ძალის ამოქმედების შემთხვევაში ვალდებულებების შესრულება ბანკის მხრიდან კლიენტის მიმართ ჩერდება ფორს-მაჟორული გარემოებების ლიკვიდაციამდე. ფორს-მაჟორული გარემოებებად ითვლება: სტიქიური უბედურება, ომი, ტერაქტები, სამხედრო/სამოქალაქო გადატრიალებანი, სახალხო მღელვარება, გაფიცვები, შეიარაღებული კონფლიქტები, ბლოკადები, ენერგომატარებლებისა და კავშირგაბმულობის ობიექტების პარალიზებანი, ასევე სხვა დაუძლეველი ძალა, მათ შორის სახელმწიფო ორგანოების მიერ ისეთი აქტების მიღება, რაც გამოიწვევს ბანკის მხრიდან ვალდებულებების შესრულების შეუძლებლობას კლიენტის მიმართ.

მხარეთა პასუხისმგებლობა. ხელშეკრულებაში ცვლილებებისა და დამატებების შეტანა

30. ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში მხარეები პასუხს აგებენ საქართველოს კანონმდებლობის შესაბამისად.
31. კლიენტის მიერ იურიდიული მისამართის, ელექტრონული ფოსტის ან ტელეფონის ნომრის, ან სხვა რეკვიზიტების ცვლილების შემთხვევაში, მან დროულად უნდა აცნობონ ბანკს აღნიშნულის შესახებ, შესაბამისი ცვლილების შემდეგ არაუგვიანეს 3 (სამი) სამუშაო დღისა.
32. ხელშეკრულების პირობების ცვლილება, მათ შორის დეპოზიტზე საპროცენტო სარგებლის განაკვეთის გაზრდა, გარდა ხელშეკრულების 3.15, 13, 14, 15 და 25 პუნქტებით გათვალისწინებული შემთხვევებისა, ხორციელდება მხარეებს შორის ხელშეკრულებაზე თანდართული დამატებითი წერილობითი შეთანხმებების გაფორმების გზით.
33. ყველა დავა და უთანხმოება, რომლებიც წარმოიშობა მხარეებს შორის ხელშეკრულების მოქმედების დროს, გადაწყდება საქართველოს მოქმედი კანონმდებლობით, ბანკის ადგილსამყოფელის მიხედვით.
34. კლიენტი უფლებამოსილია წარადგინოს ხელშეკრულებასთან დაკავშირებული პრეტენზიები ბანკის ნებისმიერ ფილიალში ან ბანკის (სათაო ოფისის) კანცელარიაში ზეპირი, თავისუფალი წერილობითი, სტანდარტული წერილობითი ან ელექტრონული ფორმით. წარდგენილი პრეტენზიის განხილვისა და წერილობითი პასუხის გაცემის მაქსიმალური ვადა შეადგენს 30 (ოცდაათი) დღეს. პრეტენზიების განხილვის პროცედურის შესახებ ინფორმაცია განთავსებულია ბანკის ოფიციალურ ვებ გვერდზე [www.halykbank.ge](http://www.halykbank.ge).
35. წინამდებარე ხელშეკრულების მოქმედების პერიოდში მხარეთა შორის სახელშეკრულებო პირობებისა და ინფორმაციის მიწოდება, ასევე ნებისმიერი სახის კომუნიკაცია მოხდება ქართულ ენაზე

მხარეთა რეკვიზიტები და ხელმოწერები:	
<p>ბანკი: სს ხალიკ ბანკი საქართველოს ფილიალის დასახელება</p> <p>მისამართი: ქ. თბილისი,</p> <p>ტელ: 032 2 24 07 07</p>  <p>უფლებამოსილი პირის ხელმოწერა</p> <p>_____</p> <p>ბ.ა.</p>	<p>კლიენტი: მენაზრე</p> <p>ს/კ: სარეგისტრაციო №</p> <p>ტელეფონის ნომრები: ტელეფონი</p> <p>E-mail: მეილი</p> <p>წარმოდგენილი: წარმომადგენელი</p>  <p>მისამართი: მისამართი</p> <p>უფლებამოსილი პირის ხელმოწერა ხელმოწერა:</p> <p>_____ ბ.ა.</p>